

儀

禮

釋

官

儀禮釋官卷四

聘禮

宰

宰夫

見大射儀

宰命司馬戒衆介○宰上卿貳君事者也諸侯謂司徒爲宰○天子有六卿天地四時之官是諸侯兼官而有三卿立地官司徒兼冢宰立夏官司馬兼春官立冬官司空兼秋官是以左氏杜泄云吾子爲司徒叔孫爲司

馬孟孫爲司空故禮記內則云后王命冢宰降德于衆
兆民鄭云周禮冢宰掌飲食司徒掌十二教令一云冢
宰記者據諸侯也諸侯并六卿爲三或兼職焉是其諸
侯并六卿爲三諸侯以司徒爲冢宰義與此同

宰書幣即宰又掌制國之用即宰卽上命司馬兼官者
也案王制云冢宰制國用必於歲之杪是以使之書幣
也

案周禮六宰職以九式均節財用六曰幣帛之式故
掌書幣

命宰夫官具即宰夫宰之屬也命之使衆官具幣及所

宜齎疏所命者冢宰司徒命之以宰夫屬司徒周禮宰夫掌百官府之徵令故命諸官云官具者謂使宰夫命諸官各具所行幣幣在官之府其司非一故言衆官

案周禮宰夫職凡禮事贊小宰比官府之具故命之使諸官具幣餘詳大射儀

宰夫朝服設殯

案周禮宰夫職掌賓賜之殯宰注殯客始至所致禮謂此

宰夫徹几改筵注宰夫又主酒食者也將禮賓徹神几改神席更布也疏對上宰夫設殯今又主酒食以禮賓

也

案周禮宰夫職掌賓客之飲食注飲食燕饗也是其
又主酒食之事故此禮賓實解薦籩豆脯醢皆宰夫
掌之

○宰夫獻○爲主人代公獻

案儀禮經內所言宰夫皆與周禮宰夫職合惟此記
云宰夫獻則指謂膳宰與燕義使宰夫爲獻主同
燕儀禮經是周公所作其記出於後儒之手如士冠
禮記引孔子之言則作記者在春秋後可知春秋時
通稱膳宰爲宰夫
見燕禮膳宰故此記因之亦云宰夫獻

也

司馬

見大射儀

宰命司馬戒衆介○衆介者士也士屬司馬周禮司馬之屬司士掌作士適四方使爲介○云士屬司馬引周禮者案司士屬司馬而云作士適四方使爲介諸侯之司馬亦然故引以證諸侯司馬戒衆介也

案此司馬卿官兼宗伯者

司馬執策立于其後○禮君行師從卿行旅從司馬主軍法者執策示罰

案此司馬之屬官從聘賓行者左傳宋華耦來盟其
官皆從之孔疏云聘禮之文有上介衆介至所聘之
國誓于其境則史讀書司馬執筴賈人拭玉有司展
幣其從羣官多矣詩縣蠻之篇言大臣出行微臣隨
從是大夫出使有官從之也大夫本有家司馬此爲
君聘上介士介皆公臣則司馬當亦公臣周禮大司
馬以下至伍長皆得稱司馬故有公司馬兩司馬之
稱周禮公司馬執錫注杜子春云公
司馬謂五人爲伍伍之司馬也此司馬蓋其類
也

管人

管人布幕于寢門外。管猶館也。館人謂掌次舍帷幕者也。云館人謂掌次舍帷幕者。案天官有掌舍掌次幕人等掌次云。有邦事則張幕設案。掌舍職云爲帷官設旌門。又幕人云掌帷幕幄帟綬之事。鄭云在旁曰帷在上曰幕。幕或在地展陳於上。卽此布幕是也。館人卽彼掌舍。以諸侯兼官故。鄭總言之也。下記云宗人授次。次以帷則館人與宗人共掌之。若賓客則宗人掌之也。館人爲客三日具沐五日具浴。管人掌客館者也。案鄭注釋管爲館士喪禮注云。管人主館舍者。左傳楚公子圍聘於鄭。將入館。子羽辭曰。敝邑館人之屬。

也杜注館人守舍人是管人與館人爲一其職掌館舍明矣疏以爲卽周禮掌舍兼掌次幕之事考周禮無管人之官而掌舍與幕人掌次聯職或當如疏所云也喪大記云管人汲又云管人授御者沐是掌沐浴其職也此經釋文云管人掌館舍之官禮記釋文云管人如字掌管篇之人又古亂反掌館舍之人則所傳異也周禮掌舍掌次幕人皆下士則管人當士旅食爲之

又案左傳襄二十八年子產相鄭伯以如楚舍不爲壇外僕言曰昔先大夫相先君適四國未嘗不爲壇

杜注外僕掌次舍者昭十三年傳子產命外僕速張於除杜注張幄幕又襄三十一年傳諸侯賓至僕人巡宮哀二十一年傳爲僕人之未次請除館于舟道杜注次舍也所言外僕僕人皆與管人職掌畧同豈諸侯之管人春秋時改名外僕又稱爲僕人與

史

史讀書展幣

案書卽上宰所書用幣之數者周禮大史職曰大會同朝覲以書協禮事及將幣之日執書以詔王是讀之者大史也

誓于其境賓南面上介西面衆介北面東上史讀書注
史於衆介之前北面讀書以勅告士衆爲其犯禮暴掠
也

案上云史讀書展幣謂聘幣之書也此云史讀書謂
誓戒之書也左傳楚公子棄疾聘於晉過鄭禁芻牧
採樵不入田不樵樹不采蓺不抽屋不強旬誓曰有
犯命者君子廢小人降是其誓書之類周禮掌客職
云凡介行人宰史皆有殽饗餼注凡介行人宰史衆
臣從賓者也史主書案彼諸侯相朝法此大夫出聘
亦有史從也掌客疏云史大史之屬官則此史亦非

大史也

內史

出注。附外史。

周禮內史中大夫一人下大夫二人上士四人中士八人下士十有六人外史上士四人中士八人下士十有六人諸侯內史當下大夫外史當中士爲之內史亦曰右史

主人使人與客讀諸門外注人內史也鄭鄭知人是內史者案內史職云凡四方之事書內史讀之此云使人與客讀諸門外者亦是四方事書故知人是內史也案周禮有大史小史內史外史御史諸侯亦有大史

小史之官見大射儀此注云人內史尙書酒誥云大史友內史友左傳季孫名外史掌惡臣而問盟首焉孔疏云周禮外史掌書外令則諸侯亦有內史外史掌四方之志魯亦立此官

明矣禮記玉藻云動則左史書之言則右史書之孔疏引熊氏云按周禮大史之職云大師抱天時與大師同車又襄二十五年傳曰大史書曰崔杼弑其君是大史記動作之事在君左肅記事則大史爲左史也按周禮內史掌王之八柄其職云凡命諸侯及孤卿大夫則策命之僖二十八年傳曰王命內史叔與父策命晉侯爲侯伯是皆言誥之事是內史所掌在

君之右故爲右史是以酒誥鄭注云大史內史掌記
言記行是內史記言大史記行也今案大戴禮盛德
篇云內史大史左右手也盧辯注云大史爲左史內
史爲右史亦與熊說同考左傳諸國皆有大史而無
內史又晉有左史謂魏莊子杜注左史楚有左史倚
相而不見右史者春秋時典禮廢墜史官不修唯魯
備立其官魯有外史則韓宣子聘魯觀書於大史氏
見易象與魯春秋曰周禮盡在魯而他國可知矣是
以鄭使大史命伯石爲卿兼內史策命之事則東遷
後史官廢闕不能依禮之故孔穎達春秋序疏遂謂

諸侯無內史又謂外史身居在外非官名失之矣

祝

有司筵几于室中祝先入主人從入主人在右再拜祝告又再拜

主人立于戶東祝立于牖西

案此祝大夫之家臣見少牢饋食禮

○僕爲祝祝曰孝孫某孝子某薦嘉禮于皇祖某甫皇考某子○僕爲祝者大夫之臣攝官也○云僕爲祝者大夫之臣攝官也者若然諸侯不攝官使祝祝策矣案定四年祝佗云嘉好之事君行師從卿行旅從則臣無

事若君到主國祭饗之時得不攝官乎諸侯不使人攝
是以觀禮云侯氏裨冕釋幣於禰注云釋幣於禰之禮
既則祝藏其幣歸乃埋之於祧西階之東大夫使僕攝
祝則是本無祝官與諸侯異矣其諸侯禮大祝不行知
不使小祝行者以其掌客云羣介行人宰史是諸侯從
官不言祝明大小祝俱不行矣

案据左傳則嘉好之事君與卿出竟祝皆不從但大
夫之臣攝官其常故注言之疏謂大夫本無祝官非
是少牢大夫禮有祝又左傳范文子反自鄢陵使其
祝宗祈死是大夫之臣有祝也

賈人

庶人在官者次於府史

賈人西面坐啓櫝取圭垂纁不起而授○賈人在官知物賈者○謂若王制云庶人之在官府史胥徒之類以知物賈故名賈

案王制庶人在官者注謂府史之屬孔疏云之屬者謂工人賈人及胥徒也禮記少儀臣致禋於君則曰致廢衣於賈人注賈人知物善惡也周禮玉府掌凡王之獻金玉兵器文織良貨賄之物受而藏之有賈八人案周禮序官若庖人大府玉府職幣典婦功典

絲泉府馬質羊人巫馬犬人諸職皆有賈此賈人當
爲府官之屬周禮玉府內府皆掌金玉內府職曰凡
適四方使者其所受之物而奉之與此經合也

關人

周禮司關上士二人中士四人每關下士二人
諸侯謂之關尹當中士爲之每關亦有關人當
士旅食爲之

乃謁關人關古者竟上爲關以譏異服識異言關王城
十二門通十二辰辰有一門一關諸侯未知幾關魯廢
六關半天子則餘諸侯亦或然也周禮司關上士二人

中士四人又云每關下士二人但司關爲都總主十二關居在國都每關下士二人者各主一關今所謂關人者謂告每關關人來告司關司關爲之告王故司關職云凡四方之賓客叩關則爲之告是也

案據下云遂以入竟則關人自是竟上每關關人疏說分析甚確國語單子云周之秩官有之曰敵國賓至關尹以告韋注關尹司關掌四方賓客敬關則爲之告又引此經爲證是關人之長天子謂之司關諸侯謂之關尹其職掌一也

天子有司門諸侯亦謂之門尹見卷八

老

勞者出授老幣注老賓之臣疏大夫家臣稱老若趙魏臧氏老之類也

賓降授老幣注老家臣也

賓迎再拜老牽牛以致之注老室老大夫之貴臣疏案喪服傳曰室老士貴臣其餘皆衆臣也鄭注云室老家相也士邑宰也卽此室老貴臣者家相邑宰之屬故爲貴臣也

案據此則老卽家宰可知說詳士昏禮

記君貺寡君延及二三者注大夫曰老

案老上下通稱大夫亦稱老見士昏禮

訝

厥明訝賓于館。此訝下大夫也。以君命迎賓謂之訝。
訝迎也。案周禮有掌訝中士八人爲之。此訝下大夫
非彼掌訝也。案下記云卿大夫訝大夫士訝士皆有訝。
又周禮掌訝云凡賓客諸侯有卿訝卿有大夫訝大夫
有士訝士皆有訝。此大聘是卿故使下大夫訝也。天子
諸侯雖有掌訝之官朝聘之賓不使掌訝爲訝直以尊
卑節級爲訝故云此訝下大夫也。

記卿大夫訝大夫士訝士皆有訝。訝主國君所使迎
待賓者如今使者護客。

○賓卽館訝將公命○案秋官掌訝職云賓入館次于舍門外待事於客注云待事於客通其所求索彼謂天子有掌訝之官共承客禮此諸侯使無掌訝是以還遣所使大夫士訝將公命有事通傳於君

案周禮掌訝職唯朝覲聘問之日使卿大夫士以其等爲訝其餘事皆掌訝主之據此記則諸侯即使大夫士之訝待事於客通所求索似別無掌訝之官上疏謂諸侯亦有掌訝疑無所證也

君使士請事遂以入竟○君得闕人告卽知爲聘來使士迎之故聘義云君使士迎於竟是也

案周禮有掌訝又有訝士皆中士八人掌訝職曰若將有賓客至與士逆賓于疆注士訝士也訝士職曰邦有賓客則與行人送迎之聘義云君使士迎于境下文賓歸又云士送至于竟疑此士卽訝士也

宗人

附宗有司

周禮禮官之屬大宗伯卿一人小宗伯中大夫二人肆師下大夫四人上士八人中士十有六人旅下士三十有二人府六人史十有二人胥十有二人徒百有二十人諸侯無宗伯以司馬兼之亦無小宗伯其禮官謂之宗人士爲之宗

有司蓋其下府史之屬

禮宗人授次次以帷少退於君之次

案掌禮之官天子有大宗伯小宗伯諸侯以司馬兼之無宗伯唯立宗人而已禮記文王世子云宗人授事雜記云宗人納賓是諸侯謂之宗人也春秋時諸國皆不見有宗伯而左傳稱魯夏父弗忌爲宗伯似魯獨立宗伯之官然魯語止云夏父弗忌爲宗韋注云宗伯蓋以諸侯之宗人與周禮宗伯職掌同耳弗忌云我爲宗伯亦僭稱又云宗人夏父展哀二十四年傳云使宗人鬻夏獻其禮定四年傳稱分魯以祝宗卜史杜氏解宗爲宗人則魯無宗伯

可知鄭注大宗伯及禮器引左傳俱云夏父弗忌爲宗人疑今本作宗伯者誤也周禮大宗伯卿小宗伯中大夫諸侯五大夫無小宗伯則宗人不在大夫之列當使士爲之但其職亦有大小雜記云大夫之喪大宗人相小宗人命龜孔疏引皇氏云大小二宗並是其君之職來爲喪事是以又謂宗人爲大宗會子問云大宰大宗大祝皆裨冕少師奉子以衰祝先子從宰宗人從孔疏云宗人卽大宗又祭統云大宗龜璋瓊亞裸是也鄭注文王世子云宗人掌禮及宗廟孔疏云別言及宗廟則宗廟之外諸禮皆掌此云宗

人授次謂授管人張之

上注云管人掌次舍帷幕者

宗人下又有

宗有司見魯語韋注云宗有司宗官司事臣也蓋府史之屬

廋車

肥肫肉及廋車廋廋人車巾車也二人掌視車馬之官也疏案周禮天子夏官有廋人職掌養馬春官有巾車職諸侯雖兼官亦當有廋人巾車是故引周禮爲證案此大夫受饗而祭祭訖肫肉及之明其下逮無不徧廋車乃賤官注疏以廋人巾車當之攷周禮廋人下士而巾車掌公車之政令以下大夫爲之疑大夫

出聘未必有此官從行也周禮廋人下有圉人掌養
馬廋圉亦通稱左傳崔子使圉人駕又云孟氏選圉
人之壯者是大夫亦有圉人掌馬也車則大夫家掌
車之官若左傳云鮑子之臣差車鮑點杜注差車叔
主車之官叔
孫氏之車子鉏商之類服注車
車士或曰廋車蓋廋人巾
車之徒屬從聘賓行者周禮廋人下士閭二人史二
人徒二十人諸侯當士旅食
爲之中車
見大射儀

公食大夫禮

甸人

甸人如天子甸師之職周禮甸師下士二人諸侯當士旅食爲之

甸人陳鼎七當門南面西上注甸人冢宰之屬兼亨人者疏案天官有甸師氏兼有亨人皆屬冢宰彼天子禮諸侯比天子爲兼官故甸人兼亨人也必使甸人陳鼎兼亨人者案亨人職云掌其鼎鑊又案甸師職云掌帥其徒以薪蒸役外內饗之事故使甸人兼亨人陳鼎若然案少牢羹定饗人陳鼎者以其無甸人官故饗人陳

鼎也既夕士禮云甸人抗重又云甸人築圻坎以士無
臣使屬吏攝甸人之事非謂置此官也

案周禮甸師職云掌帥其屬而耕耨王藉又云王之
同姓有皐則死刑焉鄭注序官云甸師主共野物官
之長禮記文王世子云公族有死罪則磬於甸人鄭
注甸人掌郊野之官成十年左傳云使甸人獻麥杜
注甸人主爲公田者是諸侯謂之甸人天子謂之甸
師其職掌一也據少牢大夫無甸人則士亦無之士
喪禮之甸人蓋公臣治士之喪事者疏非是辨見後

小臣

見大射儀

小臣具槃匱在東堂下○小臣於小賓客饗食掌正君服位○按夏官小臣職云小祭祀賓客饗食如大僕之法此諸侯之聘客饗食故亦小臣掌之也

宰夫

見大射儀

凡宰夫之具饌于東房○凡非一也飲食之具宰夫所掌也

案周禮宰夫職掌賓客之飲食與其陳數注云飲食燕饗也疏云鄭不解經中食爲食禮者經中言食則

食禮自明注又云凡此禮陳數存可見者唯有行人
掌客及聘禮公食大夫疏云儀禮具有諸侯之禮俱
亡滅者多今存可見者有聘禮公食大夫是待聘客
之法然則食禮之陳數宰夫掌之故此經設筵授公
醢醬薦豆設黍稷設鉶設觶豐授公飯梁膳稻進觶
豐授公束帛侑賓皆宰夫主其事也

宰

此宰當如天子內宰之職周禮內宰下大夫二
人上士四人中士八人諸侯當上士爲之亦謂
之宮宰

宰東夾北西面南上注宰宰夫之屬也疏以經云南上則非止一人但宰官之內有宰夫之等是以下有宰夫之官皆於此立可知故云之屬也

宰右執鐙左執蓋由門入升自阼階盡階不升堂授公以蓋降出入反位注宰謂大宰宰夫之長也疏宰位在東夾北西面南上今以蓋降出送於門外乃更入門反於東夾北位也云宰謂大宰宰夫之長者以單言宰諸侯三卿無大宰以司徒兼大宰大宰之下有宰夫故云宰夫之長也

案周禮內宰職曰凡賓客之裸獻瑤爵皆贊致后之

賓客之禮注引坊記云陽侯殺穆侯而竊其夫人故
大饗廢夫人之禮是賓客之饗食內宰有事焉諸侯
禮亦同也經云大夫立于東夾南宰東夾北諸侯之
大宰是上大夫何以不位於東夾南而位於東夾北
據下云內官之士在宰東北則宰明爲內宰可知周
禮外宗祭祀佐王后薦玉豆內宗佐傳豆籩賓客之
饗食亦如之是饗食賓客夫人有薦豆籩之事鐙豆
屬注瓦豆故使內宰執以授公注謂宰宰夫之屬又
謂宰宰夫之長疏遂以大宰當之不知周禮大宰職
不主賓客饗食之事也祭統宮宰宿夫人鄭注云宮

宰守宮官周禮內宰注云官中官之長然則諸侯之內宰又謂之宮宰也

內官之士

內官之士在宰東北西面南上也夫人之官內宰之屬也也經云內官按周禮天官內宰下大夫掌王后以下彼天子內官諸侯未必有內宰以其言內官之士以士爲之明當天子內宰故舉內宰况之也

案內官之士當爲內小臣之屬周禮內小臣奄上士四人注奄稱士者異其賢內小臣亦稱士故云內官之士其職云若有祭祀賓客則擯詔后之禮事是以

位在此疏謂諸侯未必有內宰非是據祭統則諸侯有內宰明矣

雍人

旅人

周禮內饔中士四人下士八人府二人史四人胥十人徒百人外饔中士四人下士八人府二人史四人胥十人徒百人諸侯雍人兼彼二職當下士爲之旅人則府史之屬

雍人以俎入陳于鼎南旅人南面加七于鼎退圖旅人雍人之屬旅食者也圖云旅人雍人之屬者卽燕禮云

尊士旅食于門西兩圖壺鄭云士旅食者所謂庶人在官者也

案周禮外饗職曰掌外祭祀之制亨共其脯修刑膳陳其鼎俎實之牲體魚腊凡賓客之殽饗饗食之事亦如之天子有內饗外饗之官諸侯唯有饗人而已襄二十八年左傳云饗人竊更之以驚是也雍與饗通亦作雝國語佐雝者嘗焉韋注雝亨煎之官旅人蓋其下府史之屬如少牢之雍府也

訝

訝聽之注此下大夫有士訝注此篇是子男使下大夫

小聘又案周禮掌訝大夫有士訝故云此下大夫有士訝也

見聘禮

司宮

見燕禮

司宮具几司宮大宰之屬掌宮廟者也按燕禮云司宮尊于東楹之西注司宮天子曰小宰聽酒人之成要者也注雖不同其義一也但燕禮司宮云設尊故以小宰解之此司宮設几席故以大宰之屬解之案大宰之下有宮人掌宮中除汙穢之事卽此司宮彼不言

設几席者以天子具官別有司几筵又有小宰諸侯兼官故司宮兼司几筵及小宰也

案司宮當以此注爲正燕禮注誤辨見前疏既釋爲宮人又云燕禮司宮設尊故以小宰解之此司宮設几席故以大宰之屬解之其說甚非小宰職無設尊之文大宰之屬無司几筵之官總之注既誤解爲小宰疏欲護注故多紕謬耳

覲禮

嗇夫

嗇夫承命告于天子。嗇夫蓋司空之屬也。爲末擯者。秋傳曰嗇夫馳。疏云嗇夫蓋司空之屬也者。無正文。知司空屬者。案五官之內無嗇夫之名。故知是司空之屬。但司空職亡。故言蓋以疑之。引春秋傳者。案左氏傳昭十七年夏六月朔日有食之。叔孫昭子救日食。引夏書云辰不集于房。瞽奏鼓。嗇夫馳。庶人走。鄭引者欲見嗇夫是卑官得爲末擯之意也。

案嗇夫之官始見於夏書周殆因夏制與

夏小正云嗇人不從

齊人疑即齊夫漢書五行志引左傳齊夫馳庶人走說曰齊

夫掌幣吏爲孔傳云齊夫主幣之官本此庶人其徒役曲禮疏引音

義隱云齊夫主諸侯所齎幣帛皮圭之禮奉以自於

天子解與此經畧合儀禮唯覲禮尚存天子之禮而

有齊夫其爲冬官之闕無疑據漢書云庶人其徒役

則齊夫當士爲之聘禮云卿爲上擯大夫爲承擯士

爲紹擯此雖諸侯禮天子亦然注以齊夫爲末擯亦

足證齊夫爲士也案漢書百官公卿表云十亭一鄉鄉有三老有秩齊夫游微齊夫職

聽訟收賦稅又張釋之傳有虎園齊夫鄭氏箋詩云田畯司齊今之齊夫蓋漢亦有此官而所掌或與周

異也

率

此率卽周禮天官冢宰卿一人者是也

侯氏降自西階東面授宰幣○此單言率卽大宰大宰主幣故周禮大宰職云大朝覲會同贊玉幣玉獻玉几玉爵注云助王受此四者是也

大史

周禮大史下大夫二人上士四人

諸公奉篚服加命書于其上升自西階東面大史是右侯氏升西面立大史述命○讀王命書也

案周禮大史職曰大會同朝覲以書協禮事是顯命

書正其職禮記玉藻疏引此經大史是右謂大史代
內史直行王命故居右非也

儀禮釋官卷四

結勲校字

儀禮釋官卷五

績溪胡匡衷樸齋著

士喪禮

甸人

甸人掘坎於階闕少西爲塋於西牆下東鄉注甸人有司主田野者疏士無臣所行事皆有司屬吏之等言主田野者按周禮甸師其徒三百人掌帥其屬而耕耨王藉是掌田野士雖無此官亦有掌田野之人謂之甸人案甸人公臣見公食大夫禮士無地不得有掌田野之人疏非是周禮宰夫職曰三公六卿之喪與職喪

帥官有司而治之凡諸大夫之喪使其旅帥有司而治之職喪職曰掌卿大夫士凡有爵者之喪凡公有司之所其職喪令之趣其事古者臣有喪事公家使人治之以喪事需人孔多家臣不能具官故也特牲士祭亦有公有司此與下管人夏祝商祝家人卜人之屬蓋皆公家之臣來治喪事者也

又案喪大記曰甸人爲塋於西牆下人君禮亦同周禮甸師掌帥其徒以薪蒸役外內養之事與亨爨聯職故使爲塋也喪大記又曰甸人取所徹廟之西北扉薪用爨之

甸人徹鼎疏甸人徹鼎者以其空無事故徹案公食大夫云甸人舉鼎順出奠於其所

案周禮亨人掌其鼎鑊公食大夫禮注云甸人兼亨人者少牢雍人陳鼎五疏云大夫無甸人則此篇疏謂士亦有甸人非矣

管人

管人汲不說緇屈之注管人有司主館舍者疏士既無臣所行事者是府史故知管人是有司也聘禮記云管人爲客三日具沐五日具浴此爲死者故亦使之汲水也

管人盡階不升堂受潘煮於垆用重鬲禮記喪大記曰管人受沐乃煮之

案管人亦公臣見聘禮

夏祝

商祝

祝

夏祝商祝祝皆周祝也以習夏禮謂之夏祝習商禮謂之商祝三祝皆公臣當周禮喪祝之職祝漸米於堂南面用盆禮記祝夏祝也禮記知是夏祝者見下記云夏祝漸米差盛之是也

祝盛米於敦奠於貝北

案此亦夏祝

商祝襲祭服祿衣次注商祝祝習商禮者商人教之以敬於接神宜疏云商祝祝習商禮者雖同是周祝仰習夏禮則曰夏祝仰習商禮則曰商祝也云商人教之以敬於接神宜者案表記云般人尊神率民以事神尊而不親言尊敬故知般人教以敬是以使之習於接神宜若然此篇及既夕以夏人教忠從小斂奠大斂奠及朔半薦新祖奠大遣奠皆是夏祝爲之其閒雖不言祝名亦夏祝可知其徹之者皆不言祝名則周祝徹之也殷

人教以敬但是接神皆商祝爲之其閒行事若祝取銘
之類不言祝名者亦周祝可知唯既夕開殯時以周祝
徹饌而堂下二事不可並使周祝故夏祝取銘置於重
案周禮有大祝小祝喪祝詛祝甸祝此篇及既夕言夏
祝商祝周禮以喪祝行事皆當喪祝者也天子以下喪
禮亡培鞞謹案亡注疏本多作云蓋緣形似而誤浦氏錄按本改云爲自恐非亦當喪祝行
事也

案周禮喪祝職曰凡卿大夫之喪掌事而斂飾棺焉

喪大記曰君之喪大祝是斂衆祝

疏衆祝喪祝也

佐之大夫

之喪大祝侍之衆祝是斂士之喪祝爲侍士是斂

大喪

記本文祝字皆作胥鄭以此考之則三祝皆君之臣
注云胥當爲祝字之誤來爲喪事者非士之私臣也喪大記疏云商祝亦是
喪祝樂記云商祝辨乎喪禮周禮喪祝有上士二人
中士四人下士八人則夏祝商祝皆喪祝爲之也周
禮無夏祝商祝之官而喪大記君大斂有商祝鋪絞
紼衾衣與士禮同蓋使喪祝兼習二代之禮因別其
名以分主喪事亦猶冠禮存章甫毋追之意據此篇
及下篇則掌淅米鬻餘飯進奠徹奠者夏祝也掌襲
含小大斂拂柩飾柩御柩者商祝也掌取銘者周祝
也疏謂徹奠者不言祝名周祝徹之非是又謂旣夕

開殯時以周祝徹饌而堂下二事不可並使周祝故
夏祝取銘置於重亦緣注而誤辨見下篇

又案疏謂天子以下亦當喪祝行事然喪大記君之
喪大祝是斂周禮大祝大喪始崩以肆鬯潏尸相飯
贊斂徹奠小祝大喪贊潏設熬置銘則天子諸侯之
喪又不獨喪祝主之也

商祝執巾從入當牖北面徹枕設巾徹櫬受貝奠於尸
西

祝又受米奠於貝北

案此亦商祝

商祝掩瓊設幘目

夏祝饗餘飯用二鬲於西牆下注夏祝祝習夏禮者也
夏人數以忠其於養宜

祝取銘置於重注祝習周禮者也

商祝布絞衾散衣祭服祭服不倒美者在中

夏祝及執事盥執醴先酒脯醢俎從升自阼階

祝受巾巾之由足降自西階

案此亦夏祝

祝徹盥於門外入升自阼階丈夫踊祝徹巾授執事者
以待

案此亦夏祝

商祝布絞紵衾衣美者在外君襚不倒

祝取銘置於殯

案此周祝

祝執巾席從設於奧東面祝反降及執事執饌

祝執醴如初酒豆籩俎從升自阼階

祝後闔戶先由楹西降自西階

祝取醴北面取酒立於其東取豆籩俎南面西上祝先

出酒豆籩俎序從

祝闔戶先降自西階

祝與執豆者巾乃出

案以上皆夏祝

外御

外御受沐入○外御小臣侍從者○此云外御者對內御爲名故下記云其母之喪則內御者浴則此外御是士之侍御僕從者故尙書罔命云今予命汝作大正正於羣僕侍御之臣此雖無臣亦有侍御僕從者也

案外御士近臣喪大記曰管人授御者沐

宰

宰洗柩建於米執以從

宰從立於牀西在右注宰立牀西在主人之右當佐飯事

案宰私臣見士冠禮周禮大宰職曰大喪贊含玉此士禮宰亦佐含

巫

祝

巫男巫祝喪祝皆君之臣周禮男巫無數其師中士四人喪祝上士二人中士四人下士八人諸侯男巫當下士喪祝當中士爲之

巫止於廟門外祝代之注巫掌招弭以除疾病周禮男

巫王弔則與祝前檀弓曰君臨臣喪以巫祝桃茢執戈以惡之所以異於生也皆天子之禮諸侯臨臣之喪則使祝代巫執茢居前下天子也禮記云男巫王弔則與祝前者男巫職文云祝者則周禮春官喪祝職云王弔則與巫前是也引檀弓者證彼與此經異以其巫祝桃茢具故爲天子禮也云諸侯臨臣之喪則使祝代巫執茢居前下天子也者此據喪大記而言案彼云大夫士既殯而君往焉巫止於門外祝代之先君釋菜於門內祝先升自阼階負壙南面君卽位於阼與此經同文有詳畧耳

儀禮釋宮卷五

士喪

七

案據此則諸侯亦有男巫喪祝之官周禮王用男巫
喪祝俱前諸侯廟門外則巫前至廟門則祝代之前
巫卽男巫祝卽喪祝言巫祝者文不具耳

君升自阼階西鄉祝石墻南面

小臣

小臣二人執戈先二人後周禮小臣掌正君之法儀
者君行則在前後君升則挾阼階北面

案小臣亦君之臣見大射儀喪大記曰大夫士既殯
而君往焉小臣二人執戈立於前二人立於後周禮
小臣王之燕出入則前驅左傳楚公子圍設服離衛

叔孫穆子曰楚公子美矣君哉鄭子皮曰二執戈者
前矣則小臣執戈蓋君之常衛

冢人

冢人公臣如周禮冢人之職天子冢人下大夫
二人中士四人諸侯冢人當上士爲之

筮宅冢人營之圖冢人有司掌墓地兆域者圖案周禮
有冢人掌公墓之地辨其兆域此士亦有冢人掌墓地
兆域故云冢人營之也

案疏謂士亦有冢人非是周禮冢人掌公墓之地辨
其兆域凡諸侯居左右以前卿大夫士居後以魯等

爲北封之度又云凡諸侯及諸臣葬於墓者授之兆
然則古者諸臣之墓地皆公家掌之此與下記言冢
人物土蓋爲之經其兆域周禮又有墓大夫掌凡邦
墓之地域令國民族葬庶民之葬尙有公臣掌之則
此冢人爲公臣必矣周禮天子禮諸侯亦當然

筮人

筮者東面抽上韝兼執之南面受命命曰哀于某爲其

父某甫筮宅

宅謂葬地

度茲幽宅兆基無有後艱筮人許諾

雜記云大夫卜宅與葬日下文云如筮則史練冠鄭

注云謂下大夫若士也則卜者謂上大夫

案筮人見士冠禮雜記疏云大夫尊故得卜宅并葬
日下大夫及士不合用卜故宅用筮但葬日亦卜與
大夫同下文所言是也

卦者

卦者在左䷗卦者識爻卦畫地者

見士冠禮

工

既井椁主人西面拜工䷗匠人爲棺刊治其材疏注云
匠人爲棺刊治其材者此解經主人拜工之事以其冬
官主百工百工之內匠人主木工之事

案雜記疏云匠人工人也工匠通稱

卜人

占者

卜人占者皆公臣占者如周禮占人之職

卜日既朝哭皆復外位卜人先奠龜於西塾上

案大夫士有筮無卜禮器家不寶龜孔穎達曰大夫
卑不得寶龜臧文仲居蔡爲僭則士可知矣大夫士

無龜而逸禮云大夫龜八寸士六寸蓋傳聞之誤也

大夫士筮則有筮史雜記如筮則史練冠長衣以筮

史家臣是也卜必請於君魯公父文伯之母欲室文
故凶服是也

伯老請守龜卜室之族

韋注守龜卜人

鄭駟乞請龜以卜是

也以此攷之知大夫士有筮人無卜人此亦公臣來給事者也

又案儀禮士冠特牲少牢諸篇皆言筮此篇宅用筮而葬日用卜經內言卜者唯見於此昏禮納吉曰某加諸卜占曰吉則亦用卜可知但其儀不傳耳

昏禮用卜

亦請於君魯語老請守龜卜室之族是也

占者三人在其南北上下人及執爨席者在塾西

占

者三人掌玉兆瓦兆原兆者也

案古者卜筮皆曰占周禮占人掌占龜以八簪占八

頌以八卦占簪之八故鄭注占人亦占簪是也然周禮有大卜卜師主卜事有簪人主簪事而又有占人掌占雜記大夫卜宅與葬日有司麻衣注有司占者卜人也皮弁筮史練冠長衣占者朝服則占者與卜人筮人別可知矣此經占者三人在其南又云卜人及執燋席者在塾西卜人不在占者三人之中知卜人外別有占者如周禮占人之職也

卜人坐作龜龜周禮卜師凡卜事示高揚火以作龜致其墨周禮卜師凡卜揚火以作龜致其墨者此據小事故不使大卜眡高作龜

案雜記曰大夫之喪卜人作龜

族長

族長蒞卜及宗人吉服立於門西東面南上○族長有司掌族人親疏者也○疏以其言族長故知掌族人親疏也

案左傳卿有側室大夫有貳宗皆主宗族之事士之族長亦其類也周禮小宗伯掌三族之別以辨親疏大事宗伯蒞卜

蒞卜卽位於門東西面○蒞卜族長也○疏周禮天子卜法則與士異假使大事則大宗伯蒞卜小宗伯陳龜貞

龜命龜大小眡高作龜次事小事以下各有差降也

案族長蒞卜經卽稱爲蒞卜以事目其人猶特牲嗣
子舉奠經卽謂爲舉奠有司徹上賓三獻經卽謂爲
三獻也

宗人

族長蒞卜及宗人吉服立於門西東面南上禮記吉服服
元端也

宗人受卜人龜示高蒞卜受視反之宗人還少退受命
命曰哀子某來日某卜葬其父某甫考降無有近悔許
諾不述命還卽席西面坐命龜興授卜人龜

案雜記大夫之喪大宗人相小宗人命龜注卜葬及
日也疏皇氏云大小二宗並是其君之職來爲喪事
故宗伯肆師云凡卿大夫之喪相其禮案此宗人命
龜與彼同而吉服疑亦公臣若士冠特牲諸篇之宗
人則當爲私臣矣

既夕

夏祝

商祝

祝

見上篇

商祝免袒執功布入升自西階盡階不升堂聲三啟三命哭

祝降與夏祝交於階下取銘置于重禮記祝降者祝徹宿奠降也與夏祝交事相接也夏祝取銘置于重爲啟肆遷之疏此不言商夏則周祝也燭既入室周祝從而入

室徹宿奠降降時夏祝自下升取銘降置于重爲妨敗殯故也

案此節注疏誤敖氏繼公曰祝降者周祝取銘而降也不言其升故以降見之與夏祝交事相接也夏祝與執事者升取宿奠也祝取銘置于重爲啟肆遷之取銘在前置于重在後乃合而言之文順耳案禮之大例進奠者徹奠下記云夏祝徹餘飯夏祝之徹記有明文敖氏之說得之

商祝拂柩用功布幘用夷衾

商祝飾柩一池紐前經後緇齊三采無貝

商祝御柩

祝取銘置于茵

案此祝周祝也銘之事用祝主之其之事夏祝主之
不相亂也

商祝執功布以御柩

夏祝漸米差盛之

夏祝徹餘飯經不言夏祝徹故古人言之

案據此則凡徹皆夏祝也夏祝雖與故亦主徹其前
疏非

祝及執事舉奠巾席從而降

義禮學官餘卷

國將載祝及執事舉奠戶西南面東上卒東前而降奠
席于沔西

國祝饌祖奠于主人之南當前略北上市之

案此亦夏禮

國人

國人夾牽之國國人養馬者案周禮校人職云乘馬
一師四圉是圉人養馬以其養馬故使之薦也

案周禮圉人職曰凡喪紀牽馬而入陳

御者

御者執策立于馬後

案御御車也士得乘兩馬車故有圉人與御者亦私臣也

宰

宰由主人之北舉幣以東

案宰見士冠禮雜記曰宰舉以東

士

士受馬以出注此士謂胥徒之長也有勇力者受馬注婚禮記云士受皮注云士謂中士下士不爲胥徒者彼主人親受幣明受皮非胥徒是正士也

士受羊如受馬注士亦謂胥徒之長

案府史胥徒亦稱士禮弓曰管庫之士祭法曰庶士無廟

甸人

甸人抗重出自道道左倚之○還重不言甸人抗重言之者重既虞將埋之言其官使守視之案上篇云甸人置重于中庭
○甸人築圻坎○經直云甸人掘坎不云還使甸人築故記人明之

見上篇

史

主人之史請讀

案史士私臣掌文書者

公史

公史自西方東面命母哭主人主婦皆不哭讀遭卒命哭滅燭出_{禮記}公史君之典禮書者遣者入壙之物君使史來讀之成其得禮之正以終也_{禮記}知公史是君之典禮書者以其言公史故知君史案周禮大史小史皆掌禮則諸侯史亦掌典禮可知

案周禮小史職曰卿大夫之喪讀誄此讀者宜亦小史據此則士之喪有公臣來共其事明矣史獨言公者因上有主人之史故言公以別之其餘不言公者

可知注疏不能由此推之於上下篇之官制多有不
能強通者矣

疏每謂士無臣又謂士亦有此官進退無據由昧於此

宰夫

公使宰夫贈元纁束

案宰夫見大射儀周禮宰夫職曰凡邦之弔事掌其
戒令與其幣器財用凡所共者注弔事弔諸侯諸臣
凡喪始死弔而含禭葬而貽贈是也此諸侯禮亦宰
夫掌之

御者

記御者四人皆坐持體**注**御者今時侍從之人疏士雖

無臣亦有侍御僕從之人

記御者四人抗衾而浴

案御者卽上篇外御士之近臣與上御者執策殊喪
大記曰御者入浴小臣四人抗衾御者二人浴據此
則士亦當四人抗衾二人浴也

內御

記其母之喪則內御者浴**注**內御女御也**疏**以婦人稱
內故以女御爲內御婦人不死男人之手故知內御女
御也天子八十一御妻亦曰女御與此別也

案喪大記曰其母之喪則內御者抗衾而浴孔疏云

內外宜別內御婦人

隸人

隸人淫廁圖隸人罪人也今之徒役作者也圖知隸人罪人者案周禮司厲職云其奴男子入於罪隸則中國罪人對夷隸蠻隸貉隸之等是征四夷所得也故鄭圖舉漢法今之徒役作者也

案疏引周禮未明司隸職曰邦有喪紀之事則役其煩辱之事鄭彼注引此經爲證周禮五隸之下各有隸民此隸人蓋五隸之民君使之來共役事者也

童子

記朔月童子執帚童子隸子弟若內豎寺人之屬
桓二年左傳云士有隸子弟服注云士卑自以其子弟
爲僕隸祿不足以宗是其有隸子弟也知有內豎及
寺人者士雖無臣亦有內外之言寺人奄者以通宮中
之命也

案疏謂士亦有寺人奄者以通宮中之命非是周禮
內豎注云豎未冠者之官名又其職注云使童豎通
內外之命古者內豎之官必以童子爲之故鄭舉以
爲况內豎與寺人連職故并及之非謂士有此官士
卑不得有寺人奄者若大夫之家則有之矣

見卷八
大夫家

臣考

遂匠

圖既正柩賓出遂匠納車于階間遂匠遂人匠人也
遂人主引徒役匠人主載柩窆職相左右也圖以周禮
有遂人匠人天子之官士雖無臣亦有遂人匠人主其
葬事云遂人主引徒役匠人主載柩窆職相左右也者
案周禮遂人職云大喪帥六遂之役而致之掌其政令
及葬帥而屬六綽及窆陳役注云致役致于司徒給墓
上事陳役者主陳列之耳是遂人主引徒也又鄉師職
云及葬執纛以與匠師御匱而治役謂監督其事又此

遂人與匠人同納車于階間即匠人主載窆與遂人職相左右也

案遂匠亦公臣來助士之葬者左傳孟氏將辟藉除於臧氏臧孫使正夫助之杜注孔疏以正夫爲遂人則此遂人匠人當亦假於公臣士不得有此官也言遂匠者蓋其徒屬雜記曰升正柩諸侯執紼五百人匠人執羽葆御柩大夫之喪其升正柩也執引者三百人周禮遂人注曰載及窆六遂役之稍人注曰天子以至於士柩路皆從遂來

家人見上篇

士虞禮

祝

祝免澡葛經帶布席於室中東面右几降門及宗人卽位於門西東面南上

案周禮喪祝職曰掌喪祭祝號注喪祭虞也然則此篇之祝亦喪祝矣

宗人

宗人告有司具

宗人詔踊如初

案周禮小宗伯職曰既葬詔相喪祭之禮注喪祭虞

祔也又肆師職曰凡卿大夫之喪相其禮肆師亦宗伯屬官
然則此篇祝宗人蓋亦公臣與